

\*\*\*\*\*  
\* Res. 4 \*  
\* Astr. P \*  
\* 528 \*  
\* 51 \*  
\*\*\*\*\*



BIBLIOTHECA  
REGIA  
MONACENSIS.

328 (51)  
PROGNOSTICON ASTROLOGICVM.

# Von der Witterunge

vnd andern gemeinen zufellen / auff das

Jar nach vnfers Erlösers vnd Selig-  
machers Ihesu Christi geburt /

M. D. LXXVII.

Durch Johannem Khawen / Zerbstensem  
Bestellet.



Getruckt zu Franckfurt am Mayn / durch  
Nicolaum Basse.

THE  
HISTORICAL  
AND  
GEOGRAPHICAL  
DESCRIPTION  
OF  
THE  
COUNTY  
OF  
SURREY  
IN  
THE  
SEVENTEENTH  
CENTURY  
BY  
JOHN  
STEELE  
ESQ.  
1700

THE  
HISTORICAL  
AND  
GEOGRAPHICAL  
DESCRIPTION  
OF  
THE  
COUNTY  
OF  
SURREY  
IN  
THE  
SEVENTEENTH  
CENTURY  
BY  
JOHN  
STEELE  
ESQ.  
1700

THE  
HISTORICAL  
AND  
GEOGRAPHICAL  
DESCRIPTION  
OF  
THE  
COUNTY  
OF  
SURREY  
IN  
THE  
SEVENTEENTH  
CENTURY  
BY  
JOHN  
STEELE  
ESQ.  
1700

Dem Edeleu vnd Eren-  
vesten Wilhelm Echencken/ Aemptman zu  
Homborgt in Hessen/ meinem lieben Juncker/  
vnd insondern günstigem Herren  
vnd Freundi.

**E**der Erenvester lieber Jun-  
cker / Insondern günstigen Herr vnd  
Freundi. Der heilige Apostel Pau-  
lus / in seiner Epistel an die Römer am  
ersten Cap. spricht also: Denn das man  
weiß das Gott sey/ ist inen offenbar / denn Gott hat es  
inen offenbaret / darmit das Gottes vsichtbares we-  
sen / das ist / sein ewige Allmechtigkeit / vnnnd Gottheit  
wird ersiehen/ Denn man muß es mercken an den Wer-  
cken/ die er thut/ an der Welt/ die er geschaffen hat.

In diesem Text redt der Apostel/ von der erkent-  
niß Gottes/ welche man neninet Notitiam Dei Philosophi-  
cam. Denn das muß man wissen/ das Gott auff zweier-  
ley weise erkant wird / Erslich durch sein Wort / denn  
darinne hat sich Gott offenbart/ erslich was sein Gött-  
liches wesen anbelanget / Also / daß wir wissen/ das  
nicht mehr denn ein einiger Gott sey/ vnnnd drey Perso-  
nen in einem Göttlichen wesen / So hat auch Gott im  
Wort seinen Göttlichen willen offenbart/ erslich durch

A 4 deß



deß Gesetz/darauff wir erkennen/das Gott ein gerecht-  
tigkeit von vns erfordert / W:il wir nach seinem Eben-  
bild geschaffen sind.

Darnach hat er auch offenbart im Wort seinen ge-  
neigten willen/von vergebung der Sünde/von Gnad  
vnd Barmherzigkeit / von schenckung deß Heiligen  
Geistes vnd ewiges lebens/das ist aber geschehen durch  
den Son im Euangelio/nach dem Spruch Johannis  
cap.1.filius qui in sinu patris est,ipse nobis enarrauit. Nu diese  
erkenntniß wirt eigentlich genennet Notitia Dei Chri-  
stiana/danon hier nicht weiter.

Zum andern wirdt Gott erkant auß seinen Wer-  
cken/als nemlich auß der Schöpffung der Welt / Von  
derselbigen redet hier Paulus / vnd saget daß die Hey-  
den/welche das Wort nicht gehabt haben/ wie wirs ha-  
ben / dennoch Gott auß seinen Wercken haben erken-  
nen können / also / daß sie keine entschuldigung haben.  
Denn man sehe die W:lt ahn/Himel vñ Erden/so wird  
vns deß Geschöpff der Welt lehren/vnd bezeugen/ das  
gewiß ein Gott sey. Man muß sie aber nicht ansehen/  
wie ein Kuh oder Pferd den Himmel vnd die Erden an-  
siehet/Sondern man muß eigentlich acht nemen. Erst-  
lich/was deß Gestirn für einen seltsamen/ vnd wunder-  
barlichen lauff helt. Der seind allein die sieben Plan-  
eten/die halten einen solchen seltsamen lauff/deß Men-  
schliche vernunft/ sich nicht gnugsam drüber verwun-  
dern

bern kan. Jetzt gehen sie für sich/ bald hinder sich/ jetzt steigen sie in die höhe/ bald nahen sie sich wider herab zum Erdboden/ vnd halten doch in solchem irem wunderbarlichen lauff ihre gewisse Mensuram/ also/ daß man ihren Motum/ wie wol es schwer zugehet/ durch hülff der künst Arithmetica fein ab rechnen kan.

Darnach sehe man an die vier Elementa/ Feuer/ Luft/ Wasser/ Erde/ wie fein ordentlich die außgetheilet seind. Erstlich ist zu Oberst verordnet das Feuer/ die Erde zur vnterst/ vnd hat Gott diese beyden Elementa jahr weit von einander gesetzt/ Denn weil das Feuer ein verzehrendes Element ist/ würde es sich nahe bey den Erdboden nicht schicken/ denn so verderbte es die Erden/ dermassen/ daß kein Creatur darauff bleiben köndte. Darmit nu keins das andere hindere oder verderbe/ hat sie Gott weit genug von einander gesetzt/ vnd noch darzwischen verordnete zwen Scheidtsmänner/ nemlich die Luft/ vnd das Wasser. Nu seind dise beyde Elementa Feuer vnd Wasser/ auch zwene widerwertige Element/ denn sie haben widerwertige qualitates/ das Feuer ist von Natur heiß vnd trocken/ das Wasser von Natur kalt vnd feucht. Also würden diese beyde auch eins das ander verzehren/ wan sie nahe bey einander wehren/ Darumb hat sie der Schöpffer auch von einander gescheiden/ vnd darzwischen die luft als einen Scheidtsmann verordnet. Aristoteles in libello de mundo.

nennet die Welt / mit einen sehr feinen Namen *οὐρανός*,  
welches eigentlich heisset/ eine feine ordentliche Ründe  
zusamensfügung/ wie denn die welt in warheit ein solch  
*οὐρανός* ist / denn sie ist allenthalben / fein ordentlich zu-  
sammen gefüget / auch allenthalben fein ordentlich  
außgetheilet. Wenn nu der Mensch diß alles also an-  
siehet / vnd ihm nachdenckt/ wie er denn thun sol ( denn  
drumb ist der Mensch auff den Mittelpunct der Welt/  
das ist auff den Erdboden gesetzt / recht mitten in diß  
Gebew/ auff daß er allenthalben/ diß herrliche schöne  
gebew anschawen / vnd ihm nachdencken sol) So muß  
er je bekennen vnd sagen/ daß die Welt nicht von im sel-  
ber worden ist.

Lieber wen man doch ein hauß ansieht/ das schön  
gebatwet / vnd ordentlich mit seinen Gemechen außge-  
theilet ist / auch ordentlich Regiert wirdt / so schleusset  
man/ siehe/ das hauß kan von im selber nicht also worden  
sein/ Sondern es muß sein ein kluger Haußuatter/ der  
es also fein gebatwet / ordentlich außgetheilt / vnd or-  
dentlich die Haußhaltung wisse zuführen. Schleusset  
man nu in diesem geringen dinge also/ viel mehr sol  
man her schließen/ Dieweil die Welt so ein fein ordent-  
lich gebew ist/ vñ allenthalben so fein ordentlich ist auß-  
getheilt / auch der Himmel mit seinem lauff so ordent-  
lich regiert wirdt / So kan oder mag daß von im selber  
nicht also worden sein / sondern es muß von notwegen  
sein



sein ein kluger vnd weiser Baumeister / der solchs alles  
so ordentlich geschaffen hat / vnd alles so ordentlich re-  
giere vnd erhalte.

Von diesem allen redet nu Paulus / in diesem obener-  
zelten Spruch / vnd wird dise Erkenntniß genennet No-  
titia Dei Philosophica / wenn man Gott also durch die  
geschaffene Creaturen erkennet. Zu solcher Erkenntniß  
hilfft nu sehr viel die Astronomia / darumb achte ich di-  
se kunst ein sonderlich gabe Gottes / vñ aller ehre wert /  
vnd ist von denen leuten nit vil zu halten / welche vnehr-  
lich sy ditsch vnd verechlich von dieser kunst reden.

Nach dem dann Ed. vñ Erenu. Juncker ich ein Pro-  
gnosticon / von den Natürliche effectibus des Gestirns  
auff das 73. Jar durch dē Truck außgehen zulassen / für  
genommen habe / vñ ich oftmals vermerck / wie E. E. der  
freyen Künsten hefftig gewogen / auch selbst darinnen  
(Gott lob) vil erfahren wie ich dann desselbige von E. E.  
mit warheit sagen vnd rühmen muß. Habe ich diß Pro-  
gnosticon E. E. Dediciren vñ zuschreiben wölle / fründ-  
lich bittende / dieselbige wölle diß geringe Arbeitlein nit  
verschmehe / sondern zu danck annemen / Da ich auch  
alle dinge / nit so eigentlich / wie ein Astronomus billich  
thun solte / außgeführt hette / wölte E. E. dasselbige dahin  
rechen / daß ich sonst mit andern geschäfte verstrickt /  
dises dinges so eigentlich nit abwarten kan / wie sonst  
andere / welche sich auff solche vnd dergleichen Studia  
gencklich begeben.

Befehle

Befehle hiermit E. E. sampt derselbigen geliebten  
Haußfratwen / Kindern vund ganz haußhalt Gott in  
seinem genedigen Schutz vnd schirm/ mit wüandschung  
eines glückseligen neuen Jars. Datum den 14. Julij  
Anno 1572.

E. E. allzeit dienstlicher


Johannes Khaw Pfarher im  
Hospital Hayne.

Das



# Das erste Capittel.

Von den fünff Planeten Saturno / Marte / Ioue/  
Venere / vnd Mercurio / zu welchem zeit sie  
Directi oder Retrogradi / In  
diesem Jar sein werden.

 Armit ich diß Capitel nicht vergeblich setzen  
möge / sondern mögest freundlicher Leser verstehen/  
was das sey / wen man sagt der Planet gehet vmb die  
zeit für sich / vmb die zeit gehet er hinder sich / etc. Den  
Krebs gang / wil ich dir (wiewol es dieses orths nicht  
ist) dauon einen kurzen vnnnd einfeltigen vnderricht thun. Es seind  
sieben sterne / die nennet man Irregehende Sternen oder Planeten /  
von diese n seind nur fünffe / nemlich Saturnus / Jupiter / Mars /  
Venus vnd Mercurius / diese benante fünff Planeten / hat ein Je-  
der seinen sonderlichen kleinen Cirkel / den man Epiciclum nennet /  
an diesem Cirkel ist der Planet angeheftet / das Centrum aber im  
selbigen Cirkel / oder mittel punct. Gehet in dem Cirkel den man  
den Zodiacum nennet von Abend gegen morgen / vnd führt also den  
angeheften Planet durch alle zwölff Himmelzeichen / aber derselbi-  
ge kleine Cirkel für sich gehet mit den Planeten an seinem Centro  
vmb für also denn Stern setzt in die höhe / bald wider herab / schund  
zuruck bald wider für sich / daher kompts auch / das dieselbigen fünff  
Planeten nicht allezeit im gleicher größe erschen / den wenn der Pla-  
net im obersten theil seines Epicicli ist / so scheint er klein / vmb der  
grossen höhe willen / wenn er aber im vndersten theil ist / so scheint er  
größer / Solches kanstu sein selbst obseruieren / als nim Achtung  
auff einen Planeten / auff welchen du wilt / vnd merck eigentlich die  
andern Sternen / so am nechsten bey demselbigen planeten stehen /

W

darnach

darnach obseruier in vber ein tag zwey / drey / vier / widerumb / dar-  
 nach der Planet geschwinde oder langsam in seinem lauff ist / finde-  
 stu denn daß er von demselbigen Stern gewichen ist gegen morgen  
 werdts / so ist er Directus / vnd gehet im obersten theil seines Epicicli  
 findestu aber das er gegen abend gewichen ist so gehet er den Krebs-  
 gang / vnd ist im vndersten theil seines Epicicli / Wiewol der Mon-  
 auch seinen kleinen Circel hat / wie diese fünff Planeten so kan man  
 doch nicht eigentlich vom Monde sagen / daß er für sich oder hinder  
 sich zehe / vmb des geschwinden lauffs willen / Denn der mittel punct  
 seines Epicicli im Zodiaco heist / Die Sonne aber hat keinen Epici-  
 clum sondern die gehet allezeit vnder der Eccliptica im Zodiaco für  
 sich / von abent gegen morgen. Damit du nu wissen mögest / zu wel-  
 cher zeit in diesem jar ein jeder Planet / für sich vnd hinder sich gehet /  
 wil ich das hie fürhlich anzeigen / den diese bewegung der Planeten /  
 haben ire sonderliche Effectus vnd Wirkung / vnd ist viel daran ge-  
 legen / Saturnus ist der Oberste Planet / von Natur kalt vnd tru-  
 cken / wirdt genennet in Fortuna maior / den er ist fast schedlich / son-  
 derlich wann er Retrogradus ist / daß er den Krebsgang gehet / vnd  
 sonderlich wann er auch mit Andern dignitatibus essentialibus ge-  
 ziert ist. Diser wird in disem 73. jar zuruck gehen / von dem 26. tag Fe-  
 bruarij an / biß auff den 12. tag Julij / von der zeit ahn stehet er stil / biß  
 auff den 19. tag Julij / nach der zeit wirt er dan an fahen für sich zuge-  
 hen. Jupiter ist von Natur warm vnd feuchte / Wird genennet For-  
 tuna Maior / Den er ist fast ein nützlicher vnd göttiger Planet / diser  
 gehet für sich biß auff denn 11. tag Septembris / so wirt er den durchs  
 jar auß denn Krebsgang gehen. Mars ist von Natur heiß vnd tru-  
 cken / wirdt genennet in Fortuna Minor / ist auch schedlich / dieser  
 Stern wirdt durchs ganze jar vber / für sich gehen.

Venus wirdt genennet Fortuna minor, ist auch ein göttiger  
 vnd nützlicher Planet / dieser Planet gehet durch das ganze jar vber /  
 für sich / doch wirdt er im Januario / Martio / Aprilij / Maio / für  
 der



der Sonnen auffgehen/vnd den Morgenstern seint/ aber im Junio/  
Julio/Augusto/verbirget er sich vnder die stralen der Sonnen/vnd  
wird nicht gesehen/ aber vmb den Fiffien vnd zwölffien Septem-  
bris vngesefhrlich vmb den abendt gesehen werden / Vass er noch der  
Sonnen nidergehet / vund wird als dan durchs jar Abendsternen  
sein.

Mercurius Gehet von dem 30. tag Januarij an hinder sich/  
biß auff denn 24. tag Februarij. von der zeit abh / gehet er für sich/ biß  
auff den 28. tag May / von der zeit an widder zurück biß auff den 20.  
tag Junij/Als dann wider für sich biß auff den 21. Septembris/ von  
dann widerumb denn Krebs gang biß auff den 14. tag Octobris.  
Weil aber Mercurius / Darumb das sein Epiciclus fast klein ist /  
nicht weit von der Sonnen kömpt/ kan er selten für den Stralen der  
Sonnen gesehen werden.

## Das ander Capitel.

### Von den Finstermissen dieses Jars.

**E**st vns der Almechtige Gott/vil vnd mancherley Zeichen  
sehen / die vns billich zur Buß reizen vund vermanen sollten/  
Man hat inn kurzer zeit viel gewlicher Fwerzeichen inn der  
Lufft gesehen / So begeben sich auch viel gewlicher vnd schrecklicher  
Finsterniß / Nun diese Zeichen sie haben zwar ihre Phisicas causas  
vnd Natürliche vrsachen/ das laß ich seinen weß gehen / doch sollen  
wir Christen solche Zeichen lieber ansehen vnd jnen weiter nachden-  
cken/dann daß wir alleine Phisice dauon reden vnd denken / gewiß-  
lich seind es Zeichen des Göttlichen Zorns / welchen Gott enlich  
vber die Rohe vnd Gottlose Welt / weil kein Buß vnd bessernng sol-  
get außschütten wirdt. Wann sehe doch die Welt an/ Es reissen war-  
lich allerley Sünde vnd schande gewaltig ein. Trunckenheit / Got-  
teslesterung / Wucher etc. Vund sonderlich das Schandliche

laster Hurerey vñ vnzucht/ vmb welcher sünde willen Gott die welt  
in der Sündfluth vñ Sodomā vñ Gomorā mit Schwefel vñ  
feur hat lassen vndergehen/ Ist auffß aller höchsten kommen/ Es wird  
doch solch vñ rühre Buben spil vñ vnzucht vñ der dem Jungen  
volck/ ja vñ der Alten vñ Jungen/ ihero getrieben/ das billich ehrlie-  
bende Leut hierüber von herten Seuffzen vñ klagen/ vñ wiewol  
in in der Kirchen wider diese Sünde gewaltig Predigt ( denn on  
Gottes wort vermanung vñ warnung seile es warlich nicht) vñ  
Gott darnach viel gewölicher zeichen sehen leß/ ist doch nichts desto  
weniger die Welt so sicher/ als sey kein Gott im Himmel/ der die sün-  
de wisse/ nichten vñ straffen wölle/ Aber Gott wird straffen/ das  
wird man sehen wo nicht bald buß vñ bekerung volget/ Ich glaube  
aber das der tag des Jüngsten gerichtß sey nicht ferne/ Gott wird es  
mit der Gottlosen welt ein endt machen/ welches wir von herten  
wünschen vñ begeren/ vñ das bedeuten auch fürnemlich die gew-  
lichen Finsternissen/ vñ andere zeichen so Gott sehen leßet.

Also werden wir in diesem sehr lauffenden/ 73. Jar abermahl  
ein fast grosse vñ gewöliche finsternisse an dem Mond haben/ den 8.  
Decembriß vñ 8. Vhr 27. Minuten nach mittage Im 28. Grade  
der Zwillinge in latitudine septentrionali nicht weit von Drachen-  
kopff/ vñ wird der Mon auff 17. puncta vñ 28. minuta befinstert  
werden/ schwarz/ unckel vñ mit Grüner vñ rother farbe ver-  
mischet/ vñ wird also die finsterniß fünf puncta/ vñ 28. minuta  
grosser sein/ Denn das Corpus lunare/ an im selber ist. Der anfang  
dieser finsterniß wird sein/ Nach mittage vñ 6. Vhren. vñ 37.  
Minuten. Von dieser zeit an/ wird der Mon/ anfangen befinstert  
zu werden/ biß die Klock 7. Vhr/ vñ 43. minuten geschlagen hat.  
So wird der Mon seines scheins ganz vñ gar beraubt sein. In son-  
der befinsternunge wird er ein ganze stund/ vñ 28. Minuten stillste-  
hen/ biß die Klock 9. Vhr/ vñ 11. Minuten geschlagen hat. Nach der  
zeit wird er denn gemechlich anfangen leicht zu werden. biß die Klock  
10. Vhr/ vñ 17. minuten geschlagen hat. Das ist ein viertheil nach  
Zehen/

Zeichen/ Als denn wird er seinen schein wider haben. Wehret also diese finsternuß/ von anfang biß zum ende 3. gantzer stunde vnd 40. minuten. Diese Finsternuß bedeutet/ heimliche vnb listige Practicken vnd Rathschlege/ Verrethcrey/ hitzige vnd trocken zeit/ Theurung vnnnd vordilgung des Viehes zertrennung/ der freundschaften/ vnnnd bundnissen/ groß Krieger rüstung/ vnd schwere Kranckheiten/ vnnnd sonst andere viel vnglück mehr. Es werden aber die Effectus dieser finsternuß. Ihren anfang haben/ im nachfolgenden 74. Jar/ auff den 18. Martij vnd werden sich enden/ den 5. Julij desselbigen Jars/ vnd dieweil/ also diese finsternuß ire wirkunge/ wie vormeldet/ erstrecket in das 74. Jar/ wil ich von den Effectibus/ dieser finsternuß/ auff das mahl nicht weitleufftiger schreiben. Sondern es lassen ansetzen/ biß ins 74. Jar/ als dan wil ich in Prognosticon/ desselbigen Jars heruon/ wils Gott/ weitleufftiger vnterricht thun.

## Das dritte Capitel.

Von der vier vnterschiedlichen Zeichen dieses Jars/  
vnd irer witterunge/ erstlichen vom Glantz  
vnd seine witterunge.

**I**n Jar wird genennet/ die zeit/ weil die Sonne/ vom equa-  
noctio/ Verno/ das ist von dem punct. Wenn sie im Glantz  
tag vnd nacht gleich machet/ durch ihren Circel/ lauff biß sie  
denselbigen widerumb/ erreicht. Welches geschicht. In 365. tagen 5.  
stunde/ 49. minuten vnd 18. Secunda. Diese zeit wird eigentlich ein  
Jar genennet/ Zu latein/ Annus solaris/ oder Annus Astronomi-  
cus temporalis/ dieser zeit haben die alten zu gerechnet zwölff Mon-  
schein. Darumb/ das sie auß eigener erfahrung erkand haben/ das in  
dieser zeit. Die zwo Himlischen liechter Son Mon. Zwölff mahl zu-  
samen komen. Daher sie auch den Himlischen Zodiacum/ in zwölff  
zeichen getheilet haben/ Weil aber die zwölff Monschein/ mit gen-  
lichen



lichen ein jar geben / Haben die eilff tage hierzu gesetzt. Welche sie dies Epactas genennet haben / vnd machet also zwölff Monatschein / vnd eilff tage ein Jar. Das dises zeit wie vermeldet / vor ein jar gerechnet ist / auch bey den Alten sehen wir sein im Mose Genes. 7. Cap. Nocha gehet in den Fasten / auff den 17. tag des andern Monats / vnd ist so lang darinnen geblieben / biß er vber ein jar auff den 28. tag des andern Monats / durch denn befehl Gottes wider auß dem Fasten gangen ist. Vnd ist also Nocha zwölff Monatschein im Fasten gewesen. Wie dann die Monatschein zum theil sein genennet werden / vnd eilff tage. Welche sein die Dies Epacte / das trege eben ein jar zusammen nach dem lauff der Sonnen. Dierzele ich darumb / auff daß du fründlicher leser erkennest / was eigentlich ein jar genennet werde. Vñ daß die Altuätter im alten Testament / eben dieselbigen Jarrechnung gehalten haben / wie wir sie jeso halten.

Was nu weiter der Anfang des jars anbelangt / ist zu wissen / daß die Völcker nicht alle gleichen anfang des Jars gehalten haben / die Asiatici haben das Jar vom æquinoctio Autumali angefangen. Da nemlich im Herbst / tag vnd nacht gleich gewesen ist. Die Aethener vnd Griechen habens angefangen / vom Solstitio æstiuo. Wann die Sonn / im Sommer den Tropicum Canceri erreicht / vnd den lengsten tag macht. Numa Pompilius vnd die Römer habens angefangen mit dem Solstitio hiemali / wan die Son im Winter / denn Tropicum capricorni erreicht / vnd den kürzten tag macht. Die Juden aber / haben das jar angefangen zu gleich mit dem æquinoctio vernali / das ist zugleich mit dem Glantz / Wie das dann sein zusehen ist / im 2. Buch Moise. Cap. 12. Daselbst lesen wir / das Gott den Jüden geben das Neue liecht / So dem æquinoctio vernali / am nechste fele / solle bey ihnen der erste Monatschein sein / vnd zu gleich mit diesem Monatschein / sollen sie das jar anfangen. Weil aber dieser Monatschein nicht alle jar auff einen gewissen tag fellet / volget hierauß / daß die Jüden keinen eigentlicher vnd gewissen tag zum anfang ihres jars haben setzen können. Derhalben sie wie gesagt / zugleich mit dem Glantz das  
jar



Jar angefangen. Desselbigen gleichen haben gethan/die Egiptier/die  
sen volgen noch heutiges tags zum thil vnserer Mathematici.

Weil nu im Jar viererley vnderchiedliche Witterunge vorkom-  
men/wie die erfahrung gibe / haben die Alten das Jar getheilet in vier  
vnterschiedlich Zeitten. Die erste Zeit haben sie genent den Glenz/  
das andertheil den Sommer/das dritte theil den Herbst/das vierde  
theil den Winther. Vnd hat ein jedes theil sein sonderliche Zeichen/  
Welche die Sonne durchlaufft/vnd sein sonderliche Wonschein.

### Vom Glenz.

Souiel nu diß jechlauffende 73. Jar anbelange / sehet sich der  
Glenz an/Welche zeit ich vor den Anfang des Jars setze. Nach rech-  
ter Astronomischer rechnunge / auff den 11. Martij vor mittage vmb  
4. vhr vnd 47. minuten/vmb welche zeit die Sonne den ersten Grad  
des Widder erreicht/ vnd nacht vnd tag gleich macht. Zur selbigen  
Zeit steigt auff der zwenzigste Grad des vngewildten Zeichens des  
Schützen/selt auff die Mittags linien / Welches Thor Elij genen-  
net wirdt. Die Sonne vnd Venus / seind miteinander im ersten  
Haus versamlet. Venus im 27. Grad des Wassermans/gehet vor  
der Sonnen hero. Die Sonne welche Venerem nachvolget im er-  
sten Grad Arietis/ vnd stehet die Sonnen in exaltatione & triplici-  
tate diurna, darauff kan ich nicht anders schliessen / Dann daß wir  
diß Jar eines schönen warm Temperierten Lenkes zu erwarten ha-  
ben. Doch ist auch vermutlichen das Venus in fine aquarii/desglei-  
chen Jupiter im andern Grad Cancri / Winde vnd Plazregen er-  
wecken werden.

### Neue Aprill.

New April setz auff den 3. Martij nach mittag vmb 6. vhr wirdt diß  
erst viertel Temperiert/kalt vnd feucht sein/vmb den 6. Martij win-  
dich / kalt vnd feucht das ander viertel/den 10 Martij / der Voll-  
mond setz auff den 18 Martij nach mittage fast vmb drey / wirdt daß  
Wetter temperiert sein/ das letzte viertel den 26. Martij vmb 1. vhr  
nach mittag temperiert feucht im anfang / aber bald darnach Wind-  
dich vnd trocken.

Newe

## Neue May.

Der new May Liecht/feld auff den 2. Aprilis. vmb 4. Vhr vor Mittage/wird im anfang Warm/vnnd schon sein/ Das ander Viertel/auff den 9. Aprilis/vor mittag vmb 2. Vhr / wird etwas feucht/vnd windich sein/doch bald wider trocken.

Der vollmond /feld auff den 17. Aprilis vormittag/vmb 7. Vhr wird etwa feucht/vnd bald/ sich mit grossen gewind / vormehren lassen.

Das letzte Viertel /feld auff den 24. Aprilis/nach mittag vmb 10. vhr/wird anfenglich Windich vnd feucht sein/vnnd ist vor mundlich / das die oppositio Saturni / et Martis / bald kalte regen mit schlossen/geben wird. Doch wird am ende des letzten Viertel widerumb temperiert Wetter in fallen.

## Vbrige Monatschein.

Dies newe Liecht feld auff den 1. May vmb den mitag wirt im anfang feucht sein.

Das ander Viertel feld auff den 8. May. wird Windich vnd feucht sein.

Der Vollmond feld auff den 16. May nach mittag vmb 10. Vhr/ wird vmb dieselbigen zeit schon lieblich weder in fallen / wegen der Coniunction Iouis et Veneris.

Das letzte Viertel/feld auff den 24. May vor Mittag vmb 4. Vhr wird trocken sein / vmb den 27. vnnd 28. May / Temperierte weder.

## Das vierdte Capittel.

Von dem Sommer vnd seiner  
Bitterunge.

Der

**D**er Sommer ist von natur heiß vnd trocken / fehlet sich auff die zeit an / wenn die Sonne zu vnns herauff steigende / den ersten Grad des vngedulten Zeichen des Krebs erreicht / vnd gibt den lengsten tag / vnd die kürzte Nacht / Solches geschicht im 73. Jar / auff den 12. Junij vor mittag vmb 3. Vhr vnd 4. Minuten / vmb dieselbige zeit steigt auff der 19. Grad der Zwillinge / vnd der 14. Grad des Wassermans felt auff die Mittags linien / vnd sein diese 4. Planeten Venus, Mercurius, Mars & Sol mit einander in Angulo orientali versamlet / Venus stehet in gradu ascendente vnd gehet zum ersten auff / baldt folget Mercurius / darnach Mars / vnd darnach die Sonne. In dieser figur achte ich Mercurium um einen regierenden Planeten / dann er hat die vornemisten dignitet weil er in domo stehet. Wirdt derhalben meins erachtens die Sommerzeit fast heiß seyn / doch nicht fast trocken / denn sich offft Donnerwetter werden vernemen lassen. Solches bestetiget Jupiter in vltima decuria tauri, So ist zu hoffen / der liebe Gott werde feuchtunge vnd regenwetter nach zimlicher nottuerffe geben. Es ist auch vermutlich / daß sich vmb die Sommerzeit an etlichen orten Erdbeben zus tragen werden / Solchs deutet Saturnus in tertia decuria Scorpij / vnd Mars in Gemminis, vnd in der ersten decuria Cancrj.

### Brachmondt.

Das newe Lichte felt auff den 30. May nach mittage vmb halb neun / wird im anfang etwas teperirt seyn / aber baldt darnach wird die Oppositio Iouis vñ Saturni vngewitter mit wind vñ regen geben.

Das ander vurtel / felt auff den 7. Junij vñ den Mittag / wird auch mit feuchtem Wetter eintretten.

Der Volmondt felt auff den 15. Junij vor mittag vmb 10. Vhr / wirdt Plazregen geben / darzu sonderlich helffen wirdt die coniunctio Veneris vnd Mercurij.

Das lezt vierthel felt auff den 22. Junij vor mittag vmb 8. Vhr / wird temperirt vnd feucht seyn.

## Neuwe Herwmondt.

Das new Licht felt auff den 29. Junij vor mittag vmb 8. vhr wird auch vngestüm/ windig vnd feucht seyn.

Das ander viertel felt auff den 7. Julij nach mittag vmb 5. Vhr/wird windig vnd feucht werden.

Der Volmondte felt auff den 14. Julij vmb 8. vhr nach mittag/schön warm wetter.

Das letzte viertel felt auff den 21. Julij vmb 1. vhr nach mittag wird windig seyn.

## New Augstmondt.

Dis new Licht felt auff den 28. Julij nach mittag vmb 8. vhr wird warm wetter seyn.

Das ander viertel felt auff den 5. Augusti nach mittag vmb 10. vhr/wird regen mit Donner geben / vmb den 8. vnd 9. Augusti windig.

Der Volmondte felt auff den 12. Augusti vor mittag vmb 5. vhr/gibt schon temperirt wetter.

Das letzte viertel felt auff den 19. Augusti vmb 7. vhr nach mittag/wird auch das wetter schon temperirt seyn/ vnd werden sich etliche mittagliche winde vernemen lassen.

## Neuwe Herbstmon.

Das new Licht felt auff den 27. Augusti vor mittag vmb 10. vhr/wird temperirt wetter geben/doch etwas windig/von wegen des gedritten scheins Iouis vnd Mercurij.

Das ander viertel felt auff den 4. Septembris nach mittag vmb 2. vhr / gibt vnns feucht wetter das bezeuget der Sertilischein Saturni vnd Iouis auff den 5. Septembris / Vnd der gedritte schein Iouis vnd Veneris/auff den 6. Semptembris/vnd vmb den 8. Septemb. halten Mars vnd Saturnus einen gedirdten schein/  
Des=



Deßgleichen kompt auch Mars auff denselbigen tag zustehen bey  
deß Lewen herzh/welchen Stern man den Regulum nennet/solte wol  
Donnerwetter derohalben vmb dieselbigen zeit eynfallen.

Der Volmonde felt auff den 11. Septembris nach mittag/  
vmb halb zwey/gibt schön temperirt weiter.

Das letzte viertel auff den 18. Septembris vor mittag vmb 4.  
vhr/wird zu derselbigen zeit das wetter etwas schön seyn / aber balde  
vmb den 21. Septemb. wird der gevierde schein Iouis vnnnd Solis  
wind mit regen geben.

## Das Fünffte Capitel.

### Vom Herbst vnd seiner witterunge.

**D**er Herbst welcher von natur kalt vnnnd trucken/hat seinen  
anfang wann die Sonne wider von vns weichende/ den er-  
sten Grad der Wage erreicht/ vnd macht Tag vnd Nacht  
gleich / Welches in diesem 73. Jahr geschehen wird/ auff den 13.  
Septembr. nach mittag vmb 1. vhr vnd 34. minuten / zur selben zeit  
steiget auff der 18. Grad deß vngewildten Zeichens deß Schüzens/  
Cor Coeli. Ist der 26. Grad der Wage / zur selben zeit stehet  
Mercurius recht mitten am Himmel/die Sonne vnd Venus seind  
miteinander im neundten hauß versamlet / In dieser figur achte ich  
Venerem das Regiment haben/denn wiewol sie stehet im neundten  
hauß stehet sie doch gleichwol in domo in grossen würden vnd anse-  
hen/vnd darzu nicht fast weit von der mittags linien / So hat auch  
Jupiter das Regiment ober das auffsteigende Zeichen / wiewol er  
sehr schwach ist / quia est retrogradus, & in signo descendente,  
Hierauf kan ich nicht anders verstehen/ dann daß diese Figur an-  
gezeigt einen zimlichen schönen temperirten Herbst.

## Neue Weinmondt.

Diß new Licht felt auff den 26. Septembris/ vor mittag vmb halb drey Vhr/wird dieselbige zeit schön wetter geben.

Das ander vierthel felt den 4. Octobris vor mittag vmb 5. Vhrn/wird windig vnd feucht seyn/dazu hilfft die coniunctio Solis vnd Mercurij/welche geschicht auff den 4. Octobris.

Der Volmondt welcher felt auff den 10. Octobris nach mittag vmb 10. Vhr/desgleichen das letzte vierthel welches felt auff den 17. Octobris nach mittag vmb 6. Vhr/werden temperirt feucht wetter geben/Das bestetiget die coniunctio Saturni vnd Veneris/welche geschicht fast vmb die zeit do das letzte viertel einfelt / desgleichen die Oppositio Iouis vnd Veneris auff den 22. Octobris.

## Neue Wintermondt.

Diß new Licht felt auff den 25. Octobris / nach mittage vmb 9. Vhr/wird im ersten vierthel feucht vnd kelte seyn.

Das ander vierthel felt auff den 2. Nouembris/trüb wetter.

Der Volmondt felt auff den 9. Nouembris vor mittage vmb 8. Vhr/wird temperirt feucht seyn/ Solches bestetiget der gedritte schein Iouis vnd Veneris/vmb den 12. vnd 13. Nouembris werden sich kalte Schnee/windt vernemmen lassen/ Welches dann bestetiget die coniunctio Saturni vnd Solis vnd die Oppositio Saturni vnd Iouis vmb bemelte zeit.

Das letzte vierthel welches felt auff den 16. Nouembr. vor mittage vmb 10. Vhr / wird windig vnd trüb seyn/ quia Mercurius super Iouem aperit, Doch baldt darnach wirdt wider temperirt wetter einfallen/wegen des geuierten scheins Martis vnd Veneris/ auff den 17. Nouembris.

## Neue Christmondt.

Diß new Licht felt auff den 24. Nouembris/vmb 3. Vhr nach mittage/wird im ersten viertel kalt seyn.

Das

Das ander viertel welches felt auff den 2. Decemb. vor mittag vmb 3. Vhr/wird sich mit trüben Schneewetter erzeigen.

Der Volmondt felt auff den 8. Decembris/ nach mittag vmb 7. Vhr/wird vmb die zeit das wetter temperirt vnd feucht seyn.

Das letzte viertel welchs felt auff den 16. Decemb. vor mittag vmb 5. Vhr/wird kalt vnd trucken seyn.

## Das Sechste Capitel.

### Vom Winter vnd seiner witterunge.

**D**er Winter ist von natur kalt vnd naß/ vnd fehlet sich an wenn die Sonne im absteigen den ersten Grad im Steinbock erlangt/ welchen man nennet tropicum Capricorni, vnd ist als dann der kürzeste tag/vnd die lengste Nacht. Das geschicht in diesem 73. Jar auff den 12. Decembris vmb 6. Vhr vnd 5. minuten vor mittage/Zur selben zeit steigt auff der ander Grad des vngewöhnlichen Zeichens des Schützen Cor Cœli Ist der erste Grad Libræ, Saturnus ist in ascendente, Mars in medio Cœlo, Die Sonne/Venus vnd Mercurius stehen im andern hauß/Venus im 6. Grad des Wassermans in facie, Diese figur bedeutet vns einen hartten Winter/grosse kelt vnd Schnee/ auch viel wind.

### Neue Jenner.

Diz new Licht felt auff den 24. Decembris / vor mittag vmb 8. Vhr/ wird im anfang fast windig seyn / Darzu denn sonderlich hilfft/weil kurz hievor Mars vñ Mercurius einen gewierten schein/ vnd Jupiter vnd Mercurius einen gedritten schein gehabt haben/& statim post luminarium coniunctionem Iupiter, super Mercurium, & Mars super Venerem aperit, vmb den 27. vnd 28. Decemb. wird das wetter temperirt seyn/ Werden vmb dieselbigen zeit Jupiter vnd Venus einen gewierten schein halten.

Das ander viertel felt auff den 31. Decembris/ fast vmb den  
C iij mittag/

mittag/wird vmb dieselben zeit das wetter gelinde vnnnd temperirt  
seyn/Darzu dann hilffet der gevierde schein Martis vnd Vene-  
ris.

Der Volmonde welcher felt auff den 7. Januarij vor mit-  
tag vmb 8. Vhr/ wirdt wind vnnnd Schneewetter geben / das bestet-  
iget der gevierde schein Saturni vnd Veneris.

Das lezt vierthel felt auff den 15. Januarij vmb 4. Vhr/  
vor mittag Schneewetter/ vmb den 17. Januarij wird es fast kalt  
seyn/denn auff den 17. Januarij den abende vmb 8. vhr stehet Sa-  
turnus vnd der Mon gar nahe bey einander in Sattigario, nemli-  
chen auff 45. minuten in latere Septentrionali Zodiaci, vnnnd  
stehet Saturnus gegen Mittnacht/vnd der Mon gegen Mittag-  
verts.

### Neue Hornunge.

Diz new Licht felt auff den 22. Januarij des 74. Jahrs nach  
mittag vmb halb eilffe / wird im anfang wind vnnnd Schneewetter  
geben/Solches bestetiget die coniunctio Lunæ & Mercurij, des-  
gleichen die coniunctio Solis & Mercurij, auff bemelten tag.

Das ander vierthel felt den 29. Januarij vmb 2. Vhr/ nach  
mittag /wirdt temperirt feucht seyn.

Der Volmonde auff den 5. Februarij vmb 11. vhr nach mit-  
tag/gibt Schneewetter.

Das lezt viertel kalt vnnnd Schnee / welches bestetiget die con-  
iunctio Saturni & Lunæ.

### Neue Merck.

Diz new Licht felt auff den 21. Februarij / vor mittage vmb  
halb eilffe/deutet im anfang wind vnd trüb wetter.

Das ander vierthel felt auff den lezten Februarij vor mittag  
vmb 2. vhr/ wird fast windig seyn / welchs bestetiget der gevierde  
schein



Schein Martis vnd Mercurij/vnd der gebierde schein Iouis vnnnd Mercurij/auff den andern Martij.

Der Volmonde felt auff den 7. Martij vmb 3. Vhr/nach mittag/deutet mittelmässig kühl vnd windig wetter.

Das letzte vierthel auff den 15. Martij vmb 6. Vhr nach mittag/zeiget an windig vnd feucht wetter.

## Das Siebendt Capitel.

### Von Früchten vnd Geweachsen der Erden.

**W**enn man wil Prognosticiren ob ein gut oder böß Jahr zu gewarten ist / muß man fleissig in den Revolutionibus acht haben/welche Planeten mit den meisten vnd vornemsten dignitatibus essentialibus geziert seynd/ denn dieselbigen heist man für die Regierende Planeten des Jahrs. Also halte ich in diesem 73. Jahr / daß Regierende Planeten seyn werden / Die Sonne/Venus vnnnd Mercurius/ vnd nach denselbigen Planeten wirdt sich diß Jahr fast richten/mit der Witterung vnnnd sonst andern dingen.

Wann ich nun in allen Revolutionibus dieses Jahrs / positum Coeli anschawen/end mit fleiß betrachte / vnd darneben die qualitates temporum, das ist / das Gewitter / so vnns durch das Gestirn in einem jedem theil des Jahrs gedeutet wirdt/mit fleiß erwege / kan ich nicht anders schliessen / denn daß wir eines guten fruchtbaren Jahrs / ob Gott wil/zugewarten haben. Die Frucht des Feldes/ desgleichen das Obs / vnnnd der Wein / sampt anderer Frucht/wird alles diß Jahr ein zimlich gut gedeien vnd fortkommen haben/ Solches betreffigen auch gewaltiglich die zween Planeten Venus vnnnd Mercurius in Reuelutione aktiva, in

E    iij

den Zwiß-

den Zwillingen in ascensione, Doch stehets noch alles in Gottes hand/welcher ad causas secundas nicht verbunden ist/ vnser vnbus fertiges leben kans noch alles hindern / Wehren wir from vnd beserten vnser Leben/Gott würde ohn zweiffel auch das seine thun.

Ich wil aber einen jeden hier vermahnet haben / do der liebe Gott in diesem Jar etwas im felde reichlich / als wir hoffen / geben vnd bescheren würde / daß ein jeder mit dem jhenigen daß Gott beschert messiglich handle/ verschwende es nicht auff ein mal/ lasse es nicht allzeit Fasnacht vnd Mertensabendt seyn. Denn das sage ich Gott wölle es mit gnaden abwenden/ daß auff ein gut Jahr warlich ein sehr böse Jahr erfolgen kan.

Auch wölle ein jeder seines armen Nehesten ingedenck seyn/vñ wolte seine Brünlein/wie Salomon sagt/lassen hinauß fließen/vnd andere arme leuth seiner genießen lassen / ihr theil wechsset mit/das samlest du in deine Scheure/darumb enkeuch den armen deine hand vnd hülf ja bey leibe nicht/Es heisset Date & dabitur vobis, gebet so wird euch wider gegeben/Luce am 6. Beneficentia & communicationis nolite obliuisci, talibus enim sacrificijs delectatur Deus. Wolzuthun vñ mitzuthailen vergesset nicht/ denn solche opffer gefallen Gott wol/Ebre. 13.

Gott beschert auff ein ander zeit wider/ thustu aber das nicht/ vnd wilt deiner Jahr nicht lassen genießen/lieber was ist denn wunder/daß dir Gott seinen Segen vnd gedeien wider enkeucht.

Die Wucherteuffel vñnd Judenspieß / wie ich sie nennen sol/ werden sich diß Jahr auch weidlich brauchen / Es were warlich wol not daß Herren vñ Fürsten ein ernstliches vñ fleißiges auffsehen hetten/auff diese getauffte Juden / welche die Frucht allenthalben auffkauffen/vnd darnach wanns jnen wol gelegen/ dieselbige etwan noch so theur wider verkauffen / vñ reißen also mit gewalt der armen leuth schweiß vñ Blut zu sich / Seindt auch mit irem auffkauffen offte ein vrsach / daß Theurung einfelt / do sonst der liebe Gott Frucht genugsam hat wachsen lassen.

Das

Das aufflauffen hette wol ein meinung / wanns den armen  
Leuten zum besten geschehe / als daß sie die Frucht wider vmb einen  
zimlichen Pfenning verkaufften / vnd würde also gesetzt / daß sie die  
Aufflauffer einen zimlichen verdienst hetten / vnd daß es die armen  
Leute wider könten erlangen / Aber wenn geschicht das / laufft man  
zween Scheffel vmb einen Gulden eyn / vnd köndte einen halben  
Scheffel wider vmb einen Gulden geben / man liesse es nicht / nur  
gelt zusammen geschlagen / Gott gebe man habe es mit recht oder  
vnrecht / do mache ihm niemandts ein gewissen vber / Es gehet aber  
doch zu lezt wie Gott spricht durch den Propheten Esaiam Cap. 33.  
Vae qui spoliatis, quia spoliaberis.

Jetzt mache ihm der Buchertussel kein gewissen / Aber ich  
fürchte es wird ihm das gewissen noch kommen / wo er nicht in zeiten  
vmbfert / zu seinem ewigen schaden vnd verderben.

## Das VIII. Capitel.

### Von Kranckheiten vnd allerley telbs Be- schwerung.

**I**n Jahr wird fast ein vngesundes Jar seyn / darinnen viel  
vnd mancherley Kranckheiten vnter den Leuten werden re-  
gieren.

Erstlich in Revolutione vernalt befinde ich Martem im  
andern hauß im 19. Grad Arietis, verlegt also mit einem feindseli-  
gem gebierdtenschein / das sechste hauß der franckheiten / Werden  
derhalben im Glenzen gemeiniglich diese Kranckheiten regieren /  
als böse husten / Seiten vnd Brustkranckheit / auch sehr scharffe Fe-  
bres / hitzige Geschweer / böse Catarri vnd flüsse des Gehirns / vnd  
sonsten andere Kranckheiten mehr. Es wird auch die Oppositio der  
zweyer bösen Planeten Saturni vnd Martis im April / viel böse  
Kranckheiten verursachen.

D

Die

Die gefährlichen tage der krankheiten sind diese:

Der 1. 11. 15. 20. 22. 25. 27. 29. Martij.

Der 3. 4. 10. 11. 18. 21. 24. 25. 28. Aprilis.

Der 1. 2. 8. 9. 14. 15. 22. 24. 29. 30. May.

Auff diese tage / wie es die Medici dafür halten / sol man auch keine Arzney gebrauchen / denn man helt sie für unglückhafte tage.

In Revolutione aestiva; steht Saturnus im Sechsten Hause / Jupiter im Zwölfften in parte opposita, Ist demnach vermutlich / daß diese nachbenannte Krankheiten zur Sommerzeit durch einander regieren werden / Als nemlich das Febris quar-tana, der Krebs / Schwindelsuche vnnnd Wassersucht / Die Hals- geschweer vnnnd Apoplexia, der Schlag. Die gefährlichen tage zur Sommerzeit seindt.

Der 3. 4. 7. 12. 14. 15. 18. 21. 22. 25. 28. 29. Junij.

Der 2. 6. 7. 13. 14. 16. 20. 21. 22. 27. 28. 29. Julij.

Der 4. 5. 11. 12. 13. 17. 18. 19. 25. 26. 27. Augustij.

Die Herbstzeit wird gleichfalls fast ungesundt seyn / denn beneben den iehertzelten Krankheiten / werden zur Herbstzeit mit zu regieren / seltsame Pestilentiſche Febris / Dissenteria / Grimmen vnnnd stechen des Ingeweides / welche Krankheit man Cardiacam nennet / Schwindel vnnnd wehetage des Hauptes / Desgleichen böse hitzige Apoplexia vnnnd Geschwær / Hierzu werden sonderlich helfen der gevierde schein Saturni vnnnd Martis im Septembri / der gevierde schein Jouis vnnnd Martis im selbigen Monde / die coniunctio Saturni vnnnd Veneris im Octobri / Desgleichen die coniunctio Saturni vnnnd Solis, im Nouembri.

Es ist auch vermutlich daß im Herbst sonderlich die grossen Herren vnnnd ansehnlichen Personen / mit mancherley Krankheiten vnn-



vnd Leibsbeschwerungz werden angefochten werden. Die gefehr-  
lichen tage im Herbst werden seyn.

Der 2. 4. 8. 9. 11. 15. 18. 22. 26. 29. 30. Septembris.

Der 4. 6. 7. 10. 12. 14. 17. 19. 21. 25. 27. 29. Octobris.

Der 2. 3. 5. 9. 11. 14. 16. 19. 23. 24. 25. 26. 30. Nouembris.

Im Winter werden gemeinlich regieren diese Kranckheiten/  
Epilepsia, Lienteria, Colica, Flüsse vnnnd Kranckheiten des Ge-  
hirns/ Kranckheit des Magens/ der Seiten / vnnnd sonsten andere  
mehr Kranckheiten.

Die gefehrlichen tage im Winter seind.

Der 2. 3. 7. 8. 10. 13. 16. 17. 21. 24. 26. 28. 31. Decembris.

Der 3. 7. 10. 15. 17. 22. 24. 29. 31. Januarij.

Der 5. 6. 12. 13. 14. 17. 19. 21. 26. 27. 28. Februarij.

Was nun weiter von Kranckheiten vnnnd Leibsbeschwerung/  
vnd ihren natürlichen vrsachen zuuermelden/werden die Medici in  
ihren Prognosticis besser vnd eigentlicher wissen dar; zuthun.

## Das IX. Capitel.

**D**as Gestirn deutet vnnnd dräuwet vns diß Jahr keinen son-  
derlichen Krieg vnnnd Blutuergießen / ohn daß vnter den  
Menschen / welches zwar in diesen letzten zeiten nicht newe  
ist / in gemein Vntrew vnnnd grosse falscheit seyn wirdt / Es zeiget  
auch das Gestirn viel gezenck vnd widerwillen vnter Blutsfreun-  
den/ Mars in Leone & Virgine, deutet widerwillen vnnnd Auff-  
rhur vnter befreundten Herren in den Orientalischen Ländern/  
Desselbigen gleichen auch in Italia/ vnd in andern meridionali-  
bus plagis. Den Iotrialisten wird ein Figura aktiua gedräuwet  
viel widerwertigkeit vnnnd harte Gefenckniß. In Summa/ so viel  
die natürlichen vrsachen anbelanget / ist zu hoffen / wir werden diß  
Jahr ein zimlich friedelich Jahr haben.

D ij

Das

Das wil ich aber daneben sagen/weil Krieg vnnnd Auffstur  
nicht der geringsten straff eine ist / mit welcher Gott die Welt pfle-  
get ihrer sünde halber zu straffen / vnd wir darneben sehen / das sich  
die Welt so gar nicht bessert / kan wol geschehen / das Gott den Pro-  
gnosticis welche allein auff die causas phylicas & naturales ge-  
gründet seyn / zuwider / vns wunderbarlich mit Krieg vnd allerley  
Auffstur heimsuchen vnd straffen kan / Denn Gott ist an diese na-  
türliche dinge mit nichts verbunden / Man Prognosticirt offte ex  
rationibus Physicis allerley guts / vnnnd kompt allerley böses / offte  
Prognosticirt man auch allerley böses / vnd kompt guts. Das Ge-  
stirn deutet offte wolfeile zeit / vnnnd kompt theurung / Woher kompt  
dann also das Contrarium / nicht daher das die Prognostica an jnen  
selbst falsch vnnnd vnrecht seyn / denn die gehen nicht weiter / denn so  
weit sie die Natur weiset / Sondern es kompt in warheit von vnsern  
sünden vnd vnbusfertigen leben / Wann Gott die Sünde straffen  
wil / so lesset er sich warlich durch die natur nicht hemmen oder auff-  
halten. Widerumb Prognosticirt man offte theurung / vnnnd kompt  
wolfeile zeit / woher kompt dann diese enderung? Das kompt daher /  
wann wir busse thun vnd bessern vnser leben / vnd do sich die Gottlo-  
se Welt gleich nicht bessert / als leider geschicht / So erzeigt vns Gott  
doch offte mehr guts / dann vnns durch das Gestirn gedeutet wirdt /  
Das thut nun aber Gott vmb seiner außewelten Kinder willen /  
deren ja noch etliche auff Erden seyn / die greiffen Gott in die Rute  
vnd bittens jm ab / vnd geneuset also der Gottlose hauff des kleinen  
außewelten heuffleins. Aber die Gottlosen erkennen nicht / vnnnd  
lassens derhalben die frommen Christen wenig genießen. Nun man  
muß es also gehen lassen / Die Gottlose Welt sol vnd muß die ver-  
damniß doch redlich verdienen.

Zum beschluß / will ich einen jeden weisen in den Propheten  
Ezechielem ins 18. Capitel da Gott durch den Propheten also  
spricht: Wo sich der Gottlose bekeret von allen seinen Sünden / die  
er gethan hat / vnd helt alle meine Rechte / vnd thut recht vnd wol / so  
sol er

sol er leben vnd nicht sterben / Es sol aller seiner oberrettung/ so er begangen hat/nicht gedacht werden /sondern sol leben vmb der Gerechtigkeit willen die er thut. Meinstu daß ich gefallen habe an den tod des Gottlosen /spricht der Herr Herr/vnd nicht viel mehr daß er sich bekere von seinem wesen vnnnd lebe. Vnd im 33. Capit. spricht Gott/So war als ich lebe/ich hab keinen gefallen an des Gottlosen tod/sondern daß sich der Gottlose bekere von seinem wesen vnd lebe. So bekeret euch nun doch von ewrem bösen wesen/warumb wolt jr sterben/ihr vom hause Israel.

Diese Bußpredigt/ welche Gott selbst geethan hat durch den Propheten / dadurch er alle Welt zur Buße rufft / sollen wir wol mercken/ vnd vns dardurch bewegen lassen / daß wir vnns auch von vnsern Sünden bekeren. Summa an vnser Buß vnd bekerung ist alles gelegen/ Haben wir Gott vnd sein Wort für augen / gleuben vnd trawen dem/beten fleißig/vnnnd bekeren vnns also vnd werden frömmere/So will Gott ablassen von alle dem bösen / zeitlich vnnnd ewiglich/das er wider vns fürgenommen hat/wird vns schon etwas böses auß natürlichen anzeigungen verkündiget / so wils Gott doch alles in gut verwandeln/wie ich auch droben gesagt habe. Im fall aber/da vns Gott gleich durch seinen gnedigen Vätterlichen willen/etwan ein vnglück oder creuz zuschickt/wie dann Gott auch die seinen bißweilen pfleget zu züchtigen / sol es vnns doch alles zum besten gereichen/wie Paulus sagt Rom. 8. Wir wissen daß denen die da Gott liebet/alle ding zum besten dienen. Widerumb werden wir vns nicht bekeren / so wird der Herr allerley vnglück mit hauffen ober vnns außschütten/ zeitlich vnnnd ewiglich. Darumb lasset vns buße thun/es ist hoch zeit / so haben wir von Gott was wir wollen/ Voluntatem timentium se facit Dominus, Psalm. 145. Der HErr thut was die seinen begeren/die ihn fürchten / vnnnd bekeren sich von ihren Sünden. Der HErr der ewige Allmechtige Gott/der ein Vatter ist vnser Herr Ihesu Christi/ vnd durch seinen Sohn/als durch sein ewiges wesentliches allmechtiges Wort



Himmel vnd Erden/ vnd alles was darinnen ist / geschaffen hat  
vnd durch sein Göttliche Allmechtigkeit vnd vnendliche Weiß-  
heit/sampt dem Son vnd heiligen Geist/alle dinge erhalt vnd regire  
bist ans ende. Derselbige erfülle vns mit seiner Genade / vnd gebe  
vnns den heiligen Geist / daß wir vnser leben rechtfchaffen mögen  
bessern/ihn als vnsern gnedigen Vatter erkennen /ihn vnd seinem  
Wort von herten anhangen/gleuben vnd folgen/vnd in solcher er-  
kenntniß vnd Glauben / von Tage zu tage wachssen vnd zunem-  
men/vnd darinnen auch bist an vnser ende verharren vnd be-

stendig bleiben. Das wüdsche ich einem jeden  
zu einem Glückseligem Newen

Jahr/Amen.

Allein Gott die Ehr.





Handwritten text in a cursive script, likely from a 16th or 17th-century manuscript. The text is arranged in several lines, with some words appearing to be in a different script or language, possibly Latin or Italian. The ink is dark and the paper is aged and slightly discolored.

Continuation of the handwritten text. The script remains consistent, with some variations in line spacing and word placement. The text appears to be a formal document or a letter, given the structured nature of the writing.

Final section of the handwritten text. The script is still legible, though some words are fainter than others. The text concludes with a few lines that may represent a signature or a closing phrase. The overall appearance is that of a well-preserved but aged historical document.





